




Broj: 05-50-1-63/14
Sarajevo, 6.3.2014. godine

PARLAMENTARNA SKUPŠTINA BiH

- Zastupnički dom -

SARAJEVO



PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-63/14
Sarajevo, 6.3.2014. godine

Gđin Zijad Jagodić, poslanik u Predstavničkom domu Parlamentarne skupštine Bosne i Hercegovine, na 61. sjednici Predstavničkog doma, održanoj 30.12.2013. godine, uputio je sljedeće poslaničko pitanje:

„Kada ćemo konačno imati propisno obilježene ulaze i izlaze iz BiH i zašto to do sada nije učinjeno (primjer Bijeljina/Rača)?

Na postavljeno pitanje, Vijeće ministara Bosne i Hercegovine je na 85. sjednici održanoj 6.3.2014. godine, utvrdilo sljedeći

ODGOVOR

Na osnovu člana 18. stav (4) Zakona o graničnoj kontroli („Službeni glasnik BiH“, br. 53/09 i 54/10) i člana 61. stav (2) Zakona o upravi („Službeni glasnik BiH“, br. 32/02 i 102/09), ministar komunikacija i prometa Bosne i Hercegovine donjeo je „Pravilnik o obliku i sadržaju oznaka i druge saobraćajne signalizacije kojom se označava granični prijelaz i njegovo područje, blizina granične linije, kao i način postavljanja tih oznaka i signalizacije“ („Službeni glasnik BiH“, br. 103/12 od 25.12.2012. godine).

Ovim Pravilnikom propisano je da se oznake i druga saobraćajna signalizacija postavlja na osnovu saobraćajnog projekta, koji odobrava Ministarstvo komunikacija i prometa Bosne i Hercegovine. Za izradu saobraćajnog projekta, za oznake i drugu saobraćajnu signalizaciju na **cestama** propisanu ovim Pravilnikom, zaduženo je Ministarstvo komunikacija i prometa BiH, a za oznake i drugu saobraćajnu signalizaciju na željeznici, zračnim, morskim i riječnim lukama zaduženi su operateri koji upravljaju infrastrukturom.

U skladu s tim, Ministarstvo komunikacija i prometa BiH je donijelo odluku za nabavku usluga „Izrada prometnog projekta zamjene i obnove oznaka i druge prometne signalizacije kojim se označava granični prijelaz i njegovo područje, blizina granične linije kao i način postavljanja tih oznaka i signalizacije samo za cestovne granične prijelaze“ (broj: 01-04-29-10-2816-1/13 od 21.08.2013. godine) čija je realizacija u toku.

Međutim, procedure javnih nabavki zahtijevaju određeno vrijeme da bi se ispoštovale sve zakonom predviđene faze prilikom izbora najboljeg ponuđača. Trenutno je u toku evaluacija pristiglih ponuda, nakon čega se očekuje potpisivanje ugovora sa najboljim ponuđačem.

Finansiranje ovih usluga vršit će se iz budžeta Ministarstva komunikacija i prometa Bosne i Hercegovine za 2014. godinu.